

Ա. Տեր-Ղևոնդյան

ԴՎԻՆԸ ՍԱԼԱՐՅԱՆՆԵՐԻ ԺԱՄԱՆԱԿ

Սալարյանները կամ Մուսաֆիրիները, լրենց ծագմամբ Մերձկասպյան հարավային շրջաններից էին, որոնց ժողովուրդը դայլամի էր կոչվում։ Նրանց իշխանական կալվածքը Մերձկասպյան թարում գավառն էր։ Սա մեկն էր այն իրանական իշխանական տներից, որոնք հանդես եկան ժ դարում։

Արարական խալիֆաթի անկումից հետո ժ դարը ընդհանրապես իրանական տարրի վերածնման շրջանն է թե խորասանում ու շրջակայքում (Թահիրյաններ, Սաֆարյաններ, Սամանյաններ), թե Ատրպատականում ու Անդրկովկասում (Սալարյաններ, Ռավվադյաններ, Շադդադյաններ)։

Ասլյանների անկումից հետո մի որոշ ժամանակ Ատրպատականում չկար կայուն իշխանություն։ Յուսուֆի մահվանից (927) մինչև Սալարյանների (Մուսաֆիրիների) իշխանություն սկիզբը (941) ընկած շրջանը ի է անընդհատ փոփոխություններով, մա համընկնում է Աբաս Բագրատունու իշխանության (928—953) առաջին տարիներին։

930-ական թվականների Դվինի պատմությունը անխզելիորեն կապված է Ատրպատականի պատմության հետ։ Հաղիվ թե նա այդ շրջանում այ Բագրատունիների կողմից նվաճված լինելը, որովհետև ոչ Աշոտ Բ-ին, ոչ էլ Աշոտ Շապուհյանին չէր հաջողվել վերջնականապես իրենց ենթարկել այդ քաղաքը։

Սաջյանների անկման ժամանակ հանդես եկավ նրանց ղորավարներից մեկը՝ Դայսամը, որը երկար ժամանակ պայքարեց Ատրպատականում դեր-իշխանություն ձեռք բերելու համար։ Իբն Հաուկալը (B. G. A. հ. 1, էջ 236) հիշում է, որ Հայաստանը, Առանը և Ատրպատականը միշտ էլ եղել են մի նահանգ, մի թագավորի իշխանության տակ, ինչպես, օրինակ, Սաջյանների ժամանակ և որպես Մարդուրան իրն Մուհամմադի նախորդ, հիշում է այս Դայսամ իրն Սաղլուեին։ Նա 937 թվականի գերիշխանություն ձեռք բերեց Ատրպատականում։

Հավանաբար հենց սա էր այն անձանոթ մահմեդական ամիրան, որը նույն այդ ժամանակ, ըստ Թովմայի,¹ արշավեց Հայաստան, գրավեց Գողթնը, Նախճավանը և Դվինը, ապա անցավ Այրարատ և գրավեց Արագածոտնը թոր է բաժին կալուածոց Արասայ որդւոյ Սմբատայ։ Դվինի համար հեղինակը չի ասում թրաժին կալուածոց Արասայ, ուստի պարզ է, որ Դվինը այդ ժամանակ չէր մտնում Բագրատունիների կալվածների մեջ։ Ըստ Թովմայի, Արասը չսպասելով Արծրունի Խազիկի գալըս-

¹ Bibliotheca Geographorum Arabicorum Հրատարակիչ de Goeje. Լեյդեն (Հոլանդիա), 1870—1890։ Բ հատորն է Իբն Հաուկալի Գիրք ճանապարհների և թագավորությունների։

² Թովմայ Արծրունիի Պատմութիւն Տանն Արծրունեաց, Պետերբուրգ, 1887, էջ 298, հեղեղագիր 12—6

ությանը, հարձակվում է և պարտվում։ Ապա գալիս է Գաղիկը, խորտակում այլազգիների բանակը և կամենում է ավերել Դվին քաղաքը, բայց դվնեցոց խնդրանքով վերցնում է միայն հարկ ու պատանդներ և վերադառնում խաղաղությանը։ Սրանից հետո ում ձեռքում մնաց Դվինը, Վրտենը, Գաղիկը, թե՛ Դայսամի։

* * *

Սալարյանների (Մուսաֆիրիների) առաջին հզոր իշխանը Մարզուրան իրն Մուհամմադ իրն Մուսաֆիրն էր, կոչեցյալն Սալար (941—957)։ Սա իր իշխանության տակ առավ ամբողջ Ատրպատականը, Արաքսի հովիտը, Առանը և հասավ մինչև Կովկասյան լեռները։ Ահա այս Մարզուրանի ժամանակ էր, որ Դվինը մտավ Սալարյան իշխանության տակ։ Իսկապես որ թվականին էր քաղաքի գրավումը, չգիտենք, գիտենք միայն, որ արդեն 948 թ. քաղաքը նրան էր պատկանում։ Ումի՞ց գրավեց քաղաքը, պարզ չէ։ Հայտնի է, որ հետագայում Մարզուրանի բանտարկության ժամանակ (948—953) Դայսամը կրկին հարձակվեց Դվինի վրա, բայց թե արդյոք նա Դվինի տերն էր հենց նախքան Մարզուրանի առաջին անգամ գրավելը, այդ մասին կարելի է միայն ենթադրել, հենվելով Իրն Հաուկայի վերոհիշյալ տեղեկության վրա։

Մարզուրանը դերի բռնվեց բուխների կողմից և բանտարկվեց (948—953)։ Այս շրջանում Դվինը մի խառնակ դրության մեջ է ընկնում, քաղաքը դանազան տերեր է փոխում։ Իրն Միսքաուայ՝ այս տարիների համար Դվինում հիշում է երկու արկածախնդիրների՝ Ֆադլ իրն Ջաֆար ալ-Համդանին և Իբրահիմ ալ-Դարբին։ Սրանց վոնդեց Դայսամը և գրավեց Նախճավանն ու Դվինը։ Ահա այս ժամանակ էր, որ հայտնվում է առաջին Շադդադյանը Դվինում. դա Մուհամմադ իրն Շադդադն էր, նա քաղաքը կռվով չի վերցնում, այլ բնակիչները իրենց կամքով նրան են հանձնում այն։

Այս մասին մեր միակ աղբյուրը Մուհամմադ Բաշի հեղինակի ձեռագիր մատյանն է՝ գրված արաբերեն։ Դրա բնագրի Շադդադյաններին վերաբերող գլուխը թարգմանությամբ և արժեքավոր մեկնություններով հրատարակել է Վ. Մինորսկին իր Studies in Caucasian History գրքում, Լոնդոն, 1953։ Մուհամմադ Բաշին (մեռած 1702 թ.) իր ձեռքի տակ է ունեցել մի ուրիշ արաբերեն մատյան, որի Շադդադյաններին վերաբերող գլուխը գրված է ԺԱ դարի վերջին կամ ԺԲ դարի սկզբին։ Դիրքը կոչվել է ժառիրա ալ-բաթ (الباب). այսինքն Դերբենդի պատմություն։ Ըստ Մուհամմադ Բաշու՝ մատյանն ավարտված է 1106 թվականին։ Սա կորած է և մեր միակ աղբյուրը մնում է Մուհամմադ Բաշին, որի ձեռագրի օրինակը գտնվում է Թուրքիայի Թուր-Քափր Սարայը գրադարանում և մինչև այսօր անտիպ է։

Այստեղ տալիս ենք Մուհամմադ իրն Շադդադին վերաբերող հատվածը թարգմանաբար արաբերեն բնագրից։

Մուհամմադ Շադդադին Մուհամմադ իրն Շադդադ իրն Կուրտուկն էր։ Նրա երեան գալու պատճառը այն էր, որ նրա Սալար Մարզուրան իրն

¹ Minorsky V., Studies in Caucasian History, الباب في الشداذية, 3—5.

Մուհամմադ իրն Մուսաֆիրը գերի ընկավ Ռայյի առաջ 337 թ. (948) և չորս տարի ֆնաց գերության ու բանտարկության մեջ։ Ատրպատականի իշխանությունը քայքայվեց և ամեն մի տոհմի ու գերդաստանի տեր գրավեց երկրի մի մասը։ Իսկ Մուհամմադ իրն Շադդադը հաստատվեց Դարիլ (Դվին) քաղաքում։ Բնակչությունը քաղաքը նրան հանձնեց, որ պեսդի պաշտպանի նրանց պատիվը և կանանց է ապահով լինեն չարագործներից ու ապականիչներից, ինչպես դայլամիներից և ուրիշներից։ Մուհամմադ իրն Շադդադը տիրացավ նրան մոտավորապես 340 թ. (951) և այնտեղ հաստատվեց իր ընտանիքի, տոհմի և հետևորդների մի փոքր խմբի հետ։

Սալար Բրրահիմ իրն Մարդուրանը, որը Ատրպատականի որոշ մասերում փոխարինում էր իր բանտարկյալ հորը, երբ ստացավ այս լուրը, ուղարկեց Դերմուսի տիրոջը (ըստ Մինորսկու¹ գուցե Փարիսոս) և նրան թելադրեց (Մուհամմադի դեմ) պայքարելու, նրան պաշարելու և դուրս քշելու մի ծրագրի։ Վերջինս ընդունեց այն։

Այս անհավատը հավաքեց մի կոպիտ բանակ հայերից, լեզգիներից և ուրիշ անհավատներից ու գնաց Մուհամմադ իրն Շադդադի դեմ։ Սալսեց լուրը և կանչեց իր մարդկանց, որոնք պատրաստվեցին նրա (հարձակվողի) դեմ կռվելու ու կասեցնելու նրան։ Եվ դուրս եկան քաղաքից՝ վստահելով Ալլահին։

Այդ անիծյալների հետ հանդիպեցին Արաքս և Մանսամուռն (ըստ Մինորսկու² գուցե Մեծամոր) գետերի միջև և խիստ ճակատամարտ տեղի ունեցավ։ Մահմեդականները հաղթեցին, իսկ անհավատները պարտվեցին և նրանցից փրկվեցին միայն նրանք, ովքեր թաքնվել էին անտառների և թփուտների մեջ։

Իսկ Մուհամմադ իրն Շադդադը հաղթական վերադարձավ Դարիլ (Դվին) քաղաքը և օգնություն խնդրեց բնակչությունից, ստեղծելու համար քաղաքին մոտիկ մի այնպիսի վայր, որտեղ կապաստանեն իր մարդիկն ու իրենց երեխաները, երբ լեզգիների կողմից սպառնալիք լիներ։ Եվ նրան օգնեց քաղաքի ժողովուրդը և նա նրանց օգնությամբ կառուցեց մի

ամրոց և այն անվանեց تل حثلی (Մինորսկին կարդալով حثلی թարգմանում է մրջյունի բլուր) և այնտեղ տեղափոխեց իր ընտանիքը։ Սա գտնվում է Դարիլից (Դվինից) մի ձայնընկեցի հեռավորության վրա։

Այս լուրը հասավ Սալար—Բրրահիմ իրն Մարդուրանին, որը Արդարիլումն էր և ուղարկեց մի մեծ բանակ դանադան տեսակի դայլամիներից, բրդերից և Թարոմի մարդկանցից։ Սրանք խաղացին, գնացին դեպի Դարիլ (Դվինի) դուռը և նրանց դիմավորեց Մուհամմադ իրն Շադդադը և դիմադրեց մեծ ուժով։ Երբ կռիվը սաստկացավ, քաղաքի ժողովուրդը չդիմացավ և դավաճանեց Մուհամմադին և նրան լքեց իր մի խումբ մերձավորների հետ։ Երբ տեսավ Մուհամմադը նրանց նահանջելը, ինքն էլ նահանջեց դեպի իր ամրոցը գիշերով և ապա իջևերեց նրանց (իր մերձավորներին) և տարավ Հայաստանի կողմը և թողեց Դարիլը (Դվինը) իր բնակիչներին, այնպես որ նրանք դայլամիներից շատ տուժեցին։ Այդ

¹ Minorsky V., Studies in Caucasian History, էջ 71։

² Նույն տեղում, էջ 28։

ժամանակ (գլխեցիք) չատ մարդկանց ուղարկեցին իրենց մեծամեծներից Մուհամմադ իբն Շադդադին, ներողութուն խնդրելով նրանից և հրավիրելով վերադառնալ իրենց քաղաքը և երգվելով լինել հուռ և հնազանդ և այլևս երբեք չղավաճանել: Եվ հասան նրան ու ասացին ինչ որ ասացին. մինչև որ նրա սիրտը մեղմացավ նրանց նկատմամբ և վերադարձավ նրանց հետ Դվին, կարգավորեց նրանց գործերը և ետ մղեց նրանցից կռապաշտների ու ապականիչների չարիքը և կարգավորեց քաղաքի ու բնակիչների վիճակը: Եվ ուժեղացավ Մուհամմադ իբն Շադդադի գիրքը՝ ժողովրդի կառավարման և գործերի կարգավորման մեջ:

Ջուրդանի (Վրաստանի) նահանգի և Արմինիայի այլ մասերի վրա կար մի թագավոր, որին ասում էին Աշութ իբն ալ-Արրաս (Աշոտ Գ) կոչեցյալն Շահնշահ: Նա ցանկացավ պաշարել Դարիլը (Դվինը) և նրա ժողովրդի դեմ կռվել: Ծա հավաքեց իր զորքը հայերից ու լեզգիներից և այլ անհավատներից 30 հազար մարդկանց և իջավ նրան (Դվինին) մոտիկ մի վայրում, որը կոչվում էր Նաուարդ և հրամայեց իր զորքին այրել բերքը և քանդել շենքերը: Լուրը հասավ Մուհամմադ իբն Շադդադին, որն անտեղյակ նստած էր իր մի խումբ մարդկանց և մերձավորների հետ: Ուստի մի հնարամտութուն մտածեց այս ուժեղ թշնամուն ետ մղելու: Նա հրամայեց քաղաքի բոլոր տղամարդկանց և երեխաներին նստել անասունների վրա, ինչպես էշերի, կովերի, ձիերի և ջորիների վրա, և դուրս դալ քաղաքից այդ վիճակում ու կանգնել քաղաքին մոտիկ, որպեսզի թշնամին տեսնի նրանց մեծամասնութունը և լսի նրանց կոչերը և «Ալլահու Աքրար» (մեծ է Ալլահը) բացականչութունները (և սպասել)՝ մինչև որ Մուհամմադ իբն Շադդադը հրամայի նրանց շարժվել և առաջ խաղալ: Եվ այդպես էլ արեցին. գնաց նա մի խումբ քաջ ձիավորների հետ որպես առաջապահ՝ թշնամու կողմը, որն անտեղյակ էր եղածից և ջրված պատսպարված էր ստվերոտ տեղերում սաստիկ շոգից: Նրանք չսթափվեցին, մինչև որ մահմեդականները հարձակվեցին կատաղած առյուծների նման և նրանց կոտորեցին ամեն կողմից: Երբ կռիվը սաստկացավ Մուհամմադ իբն Շադդադը նշան արեց քաղաքի մոտ հավաքված մարդկանց, որոնք գոռացին բարձրաձայն և մոտեցան՝ թշնամուն տեսանելի լինելու չափ: Թշնամին, երբ տեսավ նրանց հոծ բաղաժութունը, լեռների նման, նրա աչքին ավաղի հատիկներից ավելի շատ թվաց: Ալլահի օգնությամբ և օժանդակությամբ նրանք (հայերը) սլարտվեցին:

Երբ Սալար Մարզուրանը բանտից փրկվեց 342 թ. (953) և աղատվեց քուրդ Դայսամի նենգութունից, ուղարկեց 343 թվականին (954) մի խումբ գայլամիների պաշարելու Դարիլի (Դվինի) բերդը և այնտեղից դուրս բերելու Մուհամմադ իբն Շադդադին: Դվինի բերդն¹ այդ ժամանակ գտնվում էր մի խումբ դայլամիների ձեռքում: Երբ Մարզուրանի բանակը պաշարեց Դարիլը (Դվինը), բերդի մեջ գտնվող գայլամիները դավաճանեցին Մուհամմադ իբն Շադդադին և բանակի մի մասը մտցրին բերդի մի փոքր դռնից և ուզեցին շրջապատել Մուհամմադին, նրա ընտանիքին ու մերձավորներին: Նրանց հետ համաձայնեց քաղաքի ժողովը՝ դից մի մասը, ցանկանալով նրա փողին: Երբ Մուհամմադն զգաց այդ

¹ Ժամանակակից Երևանի քաղաքի մերձակա շրջանում:

րանը, հավաքեց իր տան անդամներին, իր մերձավոր բարեկամներին: Երանք վերցրին ինչ որ կարելի էր վերցնել և եկան բոլորը բերդի այն դռան մոտ, որը հայտնի է Դերեղմանների դուռ անվամբ և այն գտան փակված, իսկ բանալին իրենց հետ չէր: Երանց հետ էր նրա (Մուհամմադի) մի եղբորորդին՝ Շարաֆուն իբն Իսա, որն հայտնի էր իր քաջությամբ և ազնվությամբ: Սա մերկացրեց իր սուրը, խփեց կողպեքին և կոտրեց այն: Դուռը բացին և դուրս բերեցին իրենց ընտանիքները, տղաներին և իրենց ունեցվածքը: Ապա անցան այդ գիշեր Կալ-Ռաս (Արաքս) և Մանսամումուն գետերը և ապաստանեցին Ասֆուրջանի (Վասպուրականի) տիրոջ մոտ:

Ապա թողեց Մուհամմադ իբն Շադդադը նրանց, որոնք իր հետ էին իր ընտանիքից և որդիներից Ասֆուրջանի (Վասպուրականի) տիրոջ մոտ երաշխիք վերցնելուց հետո և գնաց Ռումի (Բյուզանդիայի) թագավորի մոտ, խնդրելով օգնություն՝ վերստին ձեռք բերելու Դարիլը (Դվինը) և այն գրավելու համար: Նա այնտեղ մի ժամանակ մնաց, բայց չհասավ իր նպատակին, որոշ Կիլիկիաների պատճառով և վերադարձավ իր տեղը, գտավ իր ընտանիքն ու որդիներին և տոհմը Ասֆուրջանում (Վասպուրականում) 344 թ. (955): Այստեղ եկավ նրա մահվան օրը և գնաց իր ճանապարհով նույն 344 թ. (955)»:

Այստեղ Մուհամմադ Բաշին վերջացնում է Շադդադյանների Դվինյան իշխանության առաջին մասը:

Մուհամմադ իբն Շադդադի մահից հետո, նրա որդիները չկամենալով մնալ Վերապաշտների երկրում, այսինքն քրիստոնյա Վասպուրականում, հեռանում են դեպի մահմեդական Սալարյանների տիրույթները: Ապա տիրանում են Գանձակին և այլն:

Մուհամմադ Բաշու պատմածներից շատը նորություն է մեզ համար:

Այստեղից մենք իմանում ենք, թե ինչպես Դվինի ճակատագիրը փոխվում է ըստ այն բոլոր փոփոխությունների, որոնք տեղի են ունենում Ատրպատականում: Մահմեդական Դվինի պատմության բանալին Ատրպատականն է և մասամբ Առանը:

Այլ աղբյուրներից մեզ հայտնի չէր մինչև այսօր Աշոտ Գ Ողորմածի Դվինը գրավելու այս փորձը իր իշխանության առաջին տարում՝ օգուտ քաղելով Մարզուրանի բանտարկությանը ստեղծված խոռվահույզ վիճակից: 953 թ. այս անհաջող փորձից հետո է, որ Աշոտը Անին դարձնում է իր մայրաքաղաքը, 961 թվականին: Արդյոք նա կկամենա՞ր Դվինը դարձնել իր մայրաքաղաքը, դժվար է կտրուկ պատասխան տալ: Դիտենք միայն, որ իր նախորդները սկսելով Աշոտ Ա-ի իշխանապետության շրջանից, չէին ձգտել Դվինը մայրաքաղաք դարձնել, այլ միայն կամեցել էին ենթարկել իրենց իշխանությանը: Իսկ մայրաքաղաքը միշտ ընտրում էին իրենց կալվածներից Արշարունիք-Շիրակում: Այսպես էին Բագավան, Երազգավորս, Կարս և վերջապես Անի մայրաքաղաքները:

Սալար Մարզուրանը իշխեց մինչև 957 թվականը: Ահա նրա իշխանության այս երկրորդ շրջանին (954—957) է վերաբերում հարկերի այն ցուցակը,¹ որ տալիս է իրն Հաուկալը: Նա հիշում է 344 թ. (955) Մարզու-

¹ Այս մասին կա Միսոբսկու մի փոքրիկ, բայց շատ արժեքավոր աշխատությունը՝ The Caucasian Vassals of Marzuban in 344—955 Caucasica, IV, 1953:

սան իրն Սալարին հարկատու երկրների ցուցակ և հարկի քանակը: Այդ հարկերը կարգավորել էր նրա վեզիր Ալի իրն Ջաֆարը: Իրն Հաուկայը¹ հայոց թագավորության մասին ասում է. «Եվ Սմրատի որդիների հետ նա համաձայնվեց նրանց ներքին Հայաստանի շրջաններից երկու միլիոն դիրհեմ, ըստ 200 հազար դիրհեմ իջեցրեց»: Մական այս հարկատու շրջանների մեջ նա չի հիշում Դվինը, չնայած այն բանին, որ մի տարի տոաջ գետ նոր է գրավվել Մարդուրանի կողմից:

Այստեղ կարևոր է երկու կետ: Նախ ինչ է նշանակում ներքին Հայաստան (أرض الداخل): Հայ մատենագիրների մոտ կա ներքսագոյնն Հայք»։ Այսպես, Հովհաննես կաթողիկոսի² և Վարդան Բարձրբերդցու³ մոտ հիշվում է, որ Մավրիկը Հայաստանը բաժանում է Մեծ Հայքի և Ներքսագոյն Հայքի, ընդ որում Դվինը մտնում էր Ներքսագոյնի մեջ: Կար նաև «Խորագոյն Հայք», որն է Տայքը: Հյուրչմանը⁴ նշում է, որ հայ մատենագիրները, երբ ասում են Դվին, հասկանում են նրա արևմտյան կողմը, որովհետև բուն Դվին քաղաքը պարսկական էր մնացել:

Նմանօրինակ բաժանում կա նաև արաբ մատենագիրների մոտ: Այսպես, իրն Հաուկայը նույն գրքում (էջ 245) ասում է, որ կան երկու Հայաստաններ, մեկը Արտաքին (Արճեշ, Խլաթ և այլն), իսկ մյուսը ներքին. որը համընկնում է Ներքսագոյն Հայքին: Տներքինն է, ասում է նա. Բարիլը (Դվին), Նաչաուան (Նախճավանը) և Կալիկայան (Կարին)»:

Այդ բոլորից հետո, արդյոք իրն Հաուկայի վերոհիշյալ ցուցակում հիշատակված այն տեղեկությունը, թե Սմրատի որդիները իշխում էին ներքին Հայաստանի վրա, մեզ իրավունք կտար ասելու, թե Դվինը մտնում էր Բագրատունյաց իշխանության մեջ 955 թվականին: Ոչ, որովհետև քաղաքական և աշխարհագրական բաժանումները միշտ չէ, որ համընկնում էին: Այսպես, հենց նույն տեղում ներքինական Հայաստանի մեջ իրն Հաուկայը հիշում է նաև Կարինը, որը այդ թվին Աշոտ Գ-ին չէր պատկանում: Ուստի Դվինի աշխարհագրականորեն ներքին Հայաստանի մաս կադմելը չի նշանակում, որ նա քաղաքականորեն մտել է Բագրատունիների իշխանության տակ:

Երկրորդ հարցը: Ինչու Դվինը չի հիշվում հարկատու շրջանների մեջ: Վերոհիշյալ հարկատու շրջանները տասն են:

1. Շիրվան, 2. Շաքի (Աղվանից թագավորություն), 3. ալ-Ռուր (Առանում), 4. Ջուրդ (Առանում), 5. Վայդուր (Վայոց Ձոր), 6. Ահար և Վարզական (Ռավադյանների իշխանությունը Հյուսիսային Ատրպատականում, Արաքսից հարավ), 7. Ջիդանի իշխանությունը (Դերբենդից հյուսիս), 8. Դայրանի (Դերենկի) իշխանությունը (Վասպուրական), 9. Ներքին Հայաստան (Բագրատունիների թագավորություն), 10. Խաչեն:

Այս բոլորը Սալար Մարդուրանին հարկատու անկախ իշխանություն-

¹ Bibl. geogr. Arab. հատ. I, էջ 235:

² Յովհաննես կաթողիկոս. Պատմութիւն, Նորուսաղէմ, 1887, էջ 80:

³ Վարդան կաթողիկոս. Պատմութիւն, Մոսկվա, 1881, էջ 83:

⁴ Հիւրչմանի — Հին Հայոց տեղւոյ անունները, Վիեննա, 1907, էջ 49:

ներն էին և ոչ թե նրա ուղղակի կալվածները: Ինչպես կարելի էր պահանջել, որ հայ Բագրատունիների անկախ թագավորության կողքին, որը լուրջ արկ էր վճարում դաշլամիների ավաղակային ասպատակություններից զերծ մնալու համար, հիշատակվեր նաև Դվինը, որն ուղղակի Մարզուբանի կալվածքն էր, այնպես, ինչպես Պարտավը և չուներ տեղական անկախ իշխանական տուն: Ուստի Դվինի չհիշվելը այս ցուցակի մեջ, մի ավելորդ ասպարեզ է այն մասին, թե ինչպիսի կախման մեջ էր նա Սալար Մարզուբանից:

Վերջինիս մահվանից հետո, Ատրպատականը խառնակ վիճակումն էր ժառանգորդների միջև երկպառակությունների պատճառով: Սակայն 966 թվականին Մարզուբանի որդի Իբրահիմը այս դրությամբ վերջ է տալիս: Նա իշխեց մինչև 983 թվականը: Նրա իշխանության տարիները համընկնում են Այոտ Գ-ի իշխանության (953—977) վերջին տարիներին և Մմրատ Բ-ի իշխանության (977—990) առաջին շրջանին: Իբրահիմի մահվամբ վերջանում է Սալարյանների իշխանության ուժեղ շրջանը, այսինքն նրանց իշխանությունը Ատրպատականում: 983 թվականից հետո նրանք վերածվում են մի փոքրիկ իշխանության, ինչպես առաջ էին և իրենց գոյությունը պահում են մինչև ԺԱ դարի կեսը:

Դժբախտաբար մեղ հայտնի չէ, թե Սալարյանները (Մարզուբանը և Իբրահիմը) իրենց իշխանության ժամանակ նշանակում էին Դվինում տեղական կառավարիչների, թե քաղաքի իշխանությունը թողնում էին երկրպանուն:

Սալարյանների իշխանությունը Դվինում միանգամից չի վերջանում: Ասողիկը¹ մեղ պատմում է, թե ինչպես Մմրատ Բ-ի ժամանակ 980-ական թվականներին Դվինը կրկին կոլապսնձոր է դառնում: Առիթը տալիս է հարսի թագավորության Մուշեղը, որը Շատիկ բերդի պատճառով թշնամացել էր Մմրատի հետ և նրա դեմ գրգռել Վաչագանի Դիմաստանի թոռն Սալարին ամիրայ պարսիկ: Մինորսկին² այս անունը վերականգնում է այս կերպ. Աբուլ Հաջա, Իբն Իբրահիմ, Իբն Մարզուբան, այսինքն վերջին Իբրահիմի որդին: Աբուլ Հաջան հարձակվում է, շատ ֆեոդալներ է հասցնում Անիի թագավորությանը, բայց նրա դեմ հայտնվում է նոր ուժ: Դա Գողթնի ամիրայությունն էր:

Գողթնը մտնում էր Վասպուրական նահանգի մեջ, ըստ աշխարհագրացի: Տեղական իշխաններից մեղ լավ ծանոթ է Վահան Գողթնացին: Նրա հայրն էր Խոսրով Գողթնացին՝ Նախճավանի և Խրամի աղետի զոհերից: Որբացած Վահանը Դամասկոսում դաստիարակվում է որպես մահմեդական, բայց վերադարձին նորից է ընդունում իր պապերի հավատը և ամուսնանում Սյունյաց իշխանի աղջկա հետ: Սակայն 737 թվականին չափաձանելով ուրանալ իր կրոնը, նահատակվում է: Խնամիական իրավունքներով Գողթնը անցնում է Սյունյաց: Երեսուն տարի հետո գտնում ենք մի Սահակ իշխանի Սիոն կաթողիկոսի ժամանակ: Սրանից հետո ոչինչ հայտնի չէ տեղական հայ իշխանների մասին:

¹ Ասողիկ, Պատմություն Տիեզերական, Պետերբուրգ, 1883, էջ 188—189:

² Minorsky V., Studies in Caucasian History, էջ 121:

Ժ դարի սկզբին Դողթնում գտնում ենք մի մահմեդական ամիրայություն: Հովհաննես կաթողիկոսը՝ պատմում է, որ Սյունյաց Սմբատը և իր երեք եղբայրները զայրանում են այն արաբի (հագարացի) վրա, որը «յայնժամ զգաւառն Գողթն բռնակալեալ պայազատէր»: Ուստի, Սմբատ Ա-ի պարտությունից հետո, երբ Հայաստանը լքված էր իր բախտին, Գողթնում հաստատվում է մի մահմեդական (գուցե արաբ) ամիրա: Դեռ ավելին, Յուսուֆը նրան տալիս է նաև Երնջակ բերդը, այնտեղ դիմադրությունը ճնշելուց հետո: Սա նախապես Սյունյաց էր պատկանում և վերջիններս սրա համար էլ են թշնամանում Դողթնի ամիրայի հետ: Սակայն Սյունյաց իշխանները չեն կարողանում զրավել բերդը:

937 թվականին Գողթն է արշավում Խովմա Արծրունու մոտ հիշատակված այն անծանոթ ամիրան, որն, ինչպես ասվեց, Դայսամն էր: Հավանաբար ամբողջ Ժ դարում ամիրայությունը պահեց իր գոյությունը: Սակայն, 937—983, նրա մասին ոչ մի տեղեկություն չունենք: Այս անգամ մենք նրան գտնում ենք շատ ուժեղ Գողթնի ամիրա Ապուլուլուլը (Աբու Դուլաֆ) հաղթում է Ալլարյան Արուհայջանին, որին Սմբատը չէր կարողացել վտարել իր հողերից:

Ասողիկի խոսքերը հստակ չեն, թե երբ Արուհայջան հարձակվեց Սմբատի վրա, Դվինը ում էր պատկանում, Սալարյաններին, թե Գողթնի ամիրայությանը: Լեոն³ Ասողիկի ասածից հասկանում է այն, որ նախապես էլ Դվինը պատկանել է Գողթնի ամիրայությանը, իսկ Մինորսկին⁴ այդպիսի բան չի ենթադրում և գտնում է, որ Աբու Դուլաֆը միայն Արուհայջանին հաղթելուց հետո է, որ կարողացավ գրավել Դվինը և նրա մյուս քաղաքները: Ավելի հավանական է ենթադրել, որ Դվինն բնդհանրապես համարվում էր Սալարյան կալվածք, բայց փաստորեն 976 թվականից հետո, երբ թուլացել էր Իբրահիմ իրն Մարգուբանի իշխանությունը Ատրպատականում: Գողթնի ամիրա Աբու Դուլաֆը կարողացել էր իր ազդեցության տակ վերցնել Դվինը և հենց սա էլ կլինեք երկուսի միջև բախման պատճառը:

Այս Արուհայջանի՝ Սալարի թոռան հարձակումը Սալարյանների վերջին ոտնձգությունն էր Դվինի նկատմամբ: Արուհայջան թե Սմբատի, թե Աբու Դուլաֆի համար հասարակաց թշնամի էր և բոլոր երևույթին դեռ այն ժամանակ կար մի համաձայնություն այս երկուսի միջև, որը հետագայում կրկնվեց Դվինը վերջին անգամ Աբու Դուլաֆի կողմից գրավվելուց հետո, Խաչիկ կաթողիկոսի միջնորդությամբ: Այս վերջին համաձայնության պայմաններից մեկն էլ այն էր, որ երկու կողմերից ոչ մեկը մյուսի թշնամուն չօգնի: Այս պայմանը հետագայում չհարգվեց Սմբատի կողմից, որն ըստ Ասողիկի՝ փորձում է օգնել իշխանությունից բնկած մի Սալարյանի վերականգնելու իր իշխանությունը Ատրպատականում: Բայց միևնույն ժա-

¹ Ալիբաև, Սիսական, էջ 310:

² Յովհաննէս Կաթողիկոս, Պատմութիւն, Երուսաղեմ, 1867, էջ 364:

³ Լեո, Հայոց Պատմութիւն, Բ հատոր, էջ 617:

⁴ Minorsky V., Studies in Caucasian History, էջ 121—122:

⁵ Ասողիկ, Պատմութիւն, էջ 254:

մանակ Սմբատը վախենում է իր եղբորից՝ Գագիկից, որը դեմ էր այս բանին:

Ամփոփելով այս ամբողջ ասվածը, ստանում ենք հետևյալ ժամանակագրական տախտակը.

ԴՎԻՆԻ ՔԱՂԱՔԱԿԱՆ ՎԵՃԱԿԸ 941—987

941* — 948 Դվինի Մարզուրան իրն Մուհամմադի իշխանության տակ:

948 — 951 Դվինում խառնակ վիճակ: Ֆադլ իրն Ջաֆար ալ-Համդանին, Իբրահիմ ալ-Դաբրին և ապա Դալսամը Դվինում:

951 — 954 Մուհամմադ իրն Շադդադը՝ Դվինի տեր: Աշոտ Դ-ի փորձը գրավելու Դվինը:

954 — 957 Մարզուրան իրն Մուհամմադի երկրորդ իշխանությունը:

957 — 966 Խառնակ վիճակ:

966 — 976 Դվինը Իբրահիմ իրն Մարզուրանի իշխանության տակ:

976 — 982 Դվինը գուցե շարունակում է մնալ Իբրահիմ իրն Մարզուրանի անվանական իշխանության տակ, բայց անցնում է Գողթնի Աբու-Դուլաֆին:

982 — 987 Դվինին տիրում են նախ Աբուլհայջան և ապա Աբու Դուլաֆը:

987 — Ռավվադյանների արշավանքը Դվինի վրա:

Սալարյանների (Մուսաֆիրիների) իշխանությունը Դվինում համընկնում է Աբասի (928—953), Աշոտ Դ-ի (953—977) և Սմբատ Բ-ի (977—990) իշխանության տարիներին: Դա մի շրջան էր, երբ հայոց թագավորությունն անընդհատ մասնատվում էր: Այսպես՝ Բագրատունյաց իշխանությունը անվանական դարձավ այդ ժամանակ Փառիսոսում, Խաչենում, Վայոց Ձորում, որոնք 955 թվականին հարկատու էին ուղղակի Ատրպատականի Սալար Մարզուրանին: Առաջացան Կարսի, Կյուրիկյան և Սյունյաց թագավորությունները:

Ավատական մասնատվածության արդյունք հանդիսացող այս ընդհանուր քաղաքական քայքայման ժամանակ, մահմեդական ամիրաների ձեռքն ընկավ Արաքսի հովտի այն մասը, որի մեջ էին մտնում Գողթնը, Նախճավանը և Դվինը: Ահա այս է սլատճառը, որ հայ սլատմագիրները 937—982 թվականների միջև ընկած ժամանակաշրջանի Դվինի սլատմության մասին լռում են: Այս սլականսը կարող են լրացնել միայն արաբական աղբյուրները:

Բագրատունյաց թագավորության մասնատման այս հոսանքին հակահարված տվեց Գագիկ Ա (990—1020): Նրա ժամանակ Հայաստանն արդեն ուներ զարգացած առևտուր Անի կենտրոնով: Երկրի տնտեսական զարգացումը և Ատրպատականի ամիրայության թուլացումը Ռավվադյանների ժամանակ (ժ դարի վերջին) հնարավորություն տվեցին Գագիկին վերստին տարածելու Բագրատունյաց իշխանությունը վերոհիշյալ շրջանների վրա: